



## ԲԱՆԱՍՏԵՂՆՈՒԹՅՈՒՆՆԵՐ

### 1. ՎԻՃԱԲԱՆՈՒԹԻՒՆ ԵՐԿՆԻ ԵՒ ԵՐԿՐԻ

Երկինքն ու գետինքն եղբարք,  
Աճափ ո՞ր քան զո՞րն ատլի.  
Զերկնից բարձրությունն ասեմ,  
Նա գետնին պտուղն ատլի:

Երկինքն գետնին ասաց.  
— Բա՛ն ունիմ քան զքեզ ատլի.  
Զպայծառագուն աստղունքն՝  
Ամէնն ի՛մ կողէն կու լինի:

Գետնին երկնուցն ասաց.  
— Աստուծոյ մուննաթն ատլի,

Զհագարագոյն ծաղկունքս՝  
Ամէնն ի՛մ կողէն կու լինին:

Երկինքն գետնին ասաց.  
— Բա՛ն ունիմ քան զքեզ ատլի.  
Իմ ցօղն ի քենէ կտրեմ,  
Քո ծաղկունքն որո՞վ զարդարի:

Գետինն երկնուցն ասաց.  
— Աստուծոյ մուննաթն ատլի.  
Դու ցօղն ի ծովէն կտոնուս,  
Ծովուն ակն յիսնէ՛ կու լինի.  
Զիմ ակն որ ի յիս քաշեմ,  
Նա քո ցօղն ուստի՞ց կու լինի:

Երկինքն գետնին ասաց.  
— Բա՛ն ունիմ քան զքեզ ատլի.  
Պարզիմ, բարկ արև դիպիմ,  
Քո ծաղկունքն ամէնն խըշըրի:

Գետինն երկնուցն ասաց.  
— Աստուծոյ մուննաթն ատլի.  
Զուրն ի յանդնդոց հանեմ,  
Որ ծաղկունքս ամէն զարդարի:

Երկինքն գետնին ասաց.  
— Բա՛ն ունիմ քան զքեզ ատլի.  
Կայծակ ու կարկուտ անեմ,  
Քո ծաղկունքն ամէնն խափաւի:

Գետիանն երկնուցն ասաց.

— Աստուծոյ մուննաթն ատելի.  
Անշափ ձոր 'ւ անու ունիմ,  
Քո կարկուտն ի մէջն լցուի:

Կարկուտն հեղեղ կապի,

Ի ծովերդ ի վայր վտարի,  
Դառնամ ա'մպ կրկին կու տամ,  
Ոո ծաղկունքն ամէն քամալի:

Երկինքն գետնին ասաց.

— Բան ունիմ քան զքեզ ատելի.  
Ուր աղէկ կտրին մ' որ կայ,  
Գայ, ի քո ներքն զնտանի:

Գետիանն երկնուցն ասաց.

— Աստուծոյ մուննաթն ատելի.  
Աստուած իր տուած հոգին  
Թէ կառնէ, նա ի'նչ տի լինի.

Թէ մարմինն ի յիս շառնեմ'

Նա աշխարհ հոտուն անցանի,  
Հրեշտակք ի հոտուն փախչին,  
Երկինքն ու գետինք տատանի:

Երկինքն գետնին ասաց.

— Բան ունիմ քան զքեզ ատելի.  
Ինն դաս հրեշտակքն որ կան'  
Ամէնն իմ կողէն կու լինի:

Գետինն երկնուցն ասաց.

— Աստուծոյ մուննաթն ատլի.  
Նորք առաքեալք, մարգարէք՝  
Ամէնն իմ կողէն կու լինի:

Երկինքն գետնին ասաց.

— Բա՛ն ունիմ քան զքեզ ատլի.  
Եօթն տակ երկինքն եմ ես,  
Որ արև, լուսին կու լինի.

Արև ու լուսին՝ ւ աստղունք՝

Ամէնն ի՛մ կողէն կու լինի.  
Ստեղծող արարիչն աստուած  
Աթոռով վրաս կու քազմի:

— Գետինն երկնուցն ասաց.

Աստուծոյ մուննաթն ատլի.  
Եօթն տակ երկինքդ ասեմ,  
Ան ամէնն ի վա՛յր տի թափի.

Արև ու լուսին՝ ւ աստղունքն,

Որ երթան ի հետ խաւարի,  
Եւ քո արարիչն աստուած  
Աթոռով յաշխարհս տի իջնի.  
Դատաստան գետի՛ն տի լինի:

Ապա ցածացաւ երկինքն

Ու գլուխ եդիր ի գետնի.  
— Բան մ՛ երկու գանգատ արի,  
Զան ի քո սիրտն մի՛ տանիր.

Դու հիմն ես եկեղեցույ,  
Գերեզման սուրբ վարդապետի.

Դու խունկ ես բուրվառ ի լի,  
Օրէնք քո վերայ հաստատի:

Մանկո՛ւնք, դուք աճափ արէք,  
Այդ աճափդ է զարմանալի:

Դուք այլ ցածացէ՛ք, մանկտի՛ք,  
Ու գլուխ դրէք ի գետնի.

Քան զերկիւնքն ի՞նչ բարձր կայ,  
Նր գլուխ եդիր ի գետնի,

Այսօր վրան կու քայլենք,  
Վաղն մտնունք ներքև գետնի: